

Ohppiide ja ovddasteaddjiide

Diedut boahku birra difteriija, doan̄gegeasáhaga, saidnangosahaga ja polio vuostá (dTp-IPV-boahku)

Nationála mánáidboahkuhanprográmmas fálojuvvo 10. luohká (15–16 jahkásaččaide) ohppiide odasmahttinboahku difteriija, doan̄gegeasáhaga, saidnangosahaga ja polio vuostá. Mánáidboahkuhanprográmmas addojuvvo dát boahku golmma háve máná vuosttaš eallinjagi áigge ja odasmahttinboahku 2. luohkás. Bisuhan dihte buori suodjaleami fálojuvvo dál odasmahttinboahku.

Dávddaid birra

Difteriija lea fáhkka infekšuvdna bajit vuoignanoliin mii boahttá difteriijabaktearain. Baktearat ráhkadit mirkkoávdnasiid mat bohttehit šliivevasi hirbmadit čoddagis nu ahte šaddá váttis soigat. Mirkkoávdnasat sáhttet maid fallehit váibmo-, vuoivvas- ja neavagod̄dosa. Dávddas sáhtta jápmit, ja dat gávdno ain muhtin osiin Eurohpás ja eará máilmmiosiin.

Doan̄gegeasáhat (tetanus) boahttá baktearas mii sáhtta gávdnot eatnamis. Bakteara ráhkada mirkkoávdnasiid mat fallehit neavafierpmi ja dagahit deahkkedoan̄guma ja bávdčas geasáhagaid. Njoammuma sáhtta oážžut go bakteriija beassá hávvái. Dávddas lea alla jámolašvuohta, muhto dat ii njoamo olbmoss olbmui. Doan̄gegeasáhat lea hárvvit Davviriikkain go lieggasat guovlluin.

Saidnangosahat (Pertussis) lea vuoignahatvuolši mii dagaha guhkesáigásaš (6–12 vahkku) ja garra gosahatdohppehallamiid. Saidnangosahat sáhtta dagahit ahte njuoratmánna dahje smávvamánna heaitá vuoignamis, vuoignamašvigi oksygenaváilevuoda geažil, ja hárvenaš dilálašvuodain sáhtta maid jápmit. Maiddái stuorát mánáide ja rávisolbmuide sáhtta dávda dagahit guhkesáigásaš givssiid. Dávda lea hui njoammu. Ovdal go boahkuheapmi álggahuvvui, ožžo lagabui 100 % olbmuiin dávdda.

Poliomyelihtta lea virusdávda mii dábálaččat addá nuorvodávdamearkkaid, bákčasiid rupmašii dahje čoavjevigi. Dat sáhtta dagahit vuoignášvuolšši (encefalitt) ja bistevas lámisvuoda. Dávddas sáhtta maid jápmit. Norggas ii leat dál polio, muhto olbmuide geat eai leat boahkuhuvvon sáhtta njoammut mátkkiin ja viidáset njoammut earáide geat eai leat boahkuhuvvon go máhccet ruovttoluotta.

Boahku birra

Boahku mii geavahuvvo lea Repevax. Muhtimat sáhttet oážžut gaskaboddosaš ruvssodemiid, bákčasiid ja boahkosadji sáhtta bohtanit. Muhtimat ožžot geahppa febera. Eanet diedut vejolaš liigeváikkuhusaid birra Repevax maŋŋá gávdnojit Direktoráhta medisinalaš buktagiid várás neahttabálvalusas: [Legemiddelsøk](#) (girjedárogillii).

Ovdal boahkuheami – muhte diedihit dearvvašvuodabuohccidivššárii

Muital jus mánas lea allergiija dahje lea ovdal leamaš garra allergalaš reakšuvdna (beroškeahttá mii lea sivvan dasa). Diedit maiddái jus mánna lea ožžon doan̄gegeasáhatboahku maŋimuš jagi dahje oážžu allergijaboahkuheami (hyposensibiliseren). Eanet diedut gávdnojit min neahttasiiddus: [Vaksine mot difteri, stivkrampe, kikhoste og poliomyelitt](#) (girjedárogillii).

Boahkuide mat leat mánáidboahkuhanprográmmas, leat doarvái ahte okta váhnemiin dahje eará olmmoš geas lea váhnenovddasvástádusmiehtá (Lov om pasient- og brukerrettigheter §4-4).

Loga eanet mánáidboahkuhanprográmma birra: [Vaksiner til barn](#) (girjedárogillii).